



元代子部書 三卷

元  
代  
史料刊  
叢刊  
初編

黃山書社

寬澤民為已任

淵源錄

訊獄活囚

馬亮徙福建提刑獄亮至部覆訊冤獄全活者數千人

仁宗

實錄

諭民作詩

何耕字道大除潼川提刑諭民作詩四十二篇語平易而教化寓焉郡邑家有其書強暴犯法父老必譙曰汝不誦何公詩乎往往知悔而民即無訟獄矣

周益公集

欽定四庫全書

古今事文類聚 一 古今事文類聚外集

### 諭盜原罪

元祐中蔡挺起知南安軍擢江西提點刑獄時盜賊為  
 江西福建八州之患挺告諭所部私諭藏器甲與其首  
 納原其罪所得兵械以萬計於是盜賊始衰

東都  
事略

### 立榜伸冤

公先提點荆湖北路刑獄衡人思之繪公像建祠於城  
 東青草寺再使湖北先聲入境而奸吏望風解印綬者  
 數十人按部所至立大榜於前云久負抑冤州縣不理

者立其下於是積年無告之冤咸得伸雪

瀘溪先生王庭珪撰向子

恣行  
狀

### 諭囚獲罪

鄭丙為廣西提點刑獄歸正沙世堅素武勇坐贓決配

靜江公時為憲部有劇賊未獲公諭世堅立功贖過世

堅馘渠魁以獻

### 閱兵止奸

呂居簡擢提點京東刑獄徐州人有告孔直溫等挾妖

欽定四庫全書

古今事文類聚 一 古今事文類聚外集

法誘軍士為變而運使不受理者居簡亟令改狀合巡

尉捕其黨誅之詔遷一官已而濮州復有叛者民相挺

驚潰居簡馳往得其首惡誅之因大閱兵饗士奸不得

發詔又遷一官 神宗實錄

### 收舉贓罪

順帝選有盛名周舉杜喬欒巴張綱等分行天下刺史

二千石有贓罪顯明者驛馬上之墨綬已下使輒收舉

### 布宣德澤

裴度以司封員外郎知制誥田弘正效魏博六州於朝  
憲宗遣度宣諭弘正知度為帝高選故郊迎受命且請  
徧至屬州布宣天子德澤魏人歡服還拜中書舍人

往使建節

司馬相如建節往使蜀太守以下郊迎縣令負弩先驅  
所過畫圖

李詢拜侍御史持節使幽州慰撫北狄所過皆圖山川  
屯田聚落百餘卷悉奏之

欽定四庫全書

古今事文類聚 一 古今事文類聚外集

使民歸本

李襲譽擢江南巡察大使多所黜陟揚州江吳大都會

俗喜商賈不事農襲譽為引雷陂水築勾城塘溉田八

百頃以盡地利民多歸本 唐本傳

禁民淫祠

狄仁傑為江南巡撫使吳楚俗多淫祠仁傑盡禁止止

留夏禹吳太伯季札伍員四祠 唐本傳

循行天下

漢元帝詔臨遣光祿大夫王褒等十二人循行天下

注

遣謂臨面而

約敕遣之

又武帝遣博士循行天下舉獨行君子士

有特招使者之任也

巡視州縣

張廷珪請復十道使巡視州縣帝然納之因詔陸象先等分使十道

宣布聖德

立春遣使者循行風俗宣布聖德存恤孤寡問民所勞

欽定四庫全書

古今事文類聚 一 古今事文類聚外集

苦  
咸宣  
傳

覽觀風俗

王莽遣使者分行天下覽觀風俗

王莽  
傳

處決平恕

唐馬懷柔以十道使黜陟江西處決平恕

多振冤滯

劉詳道詔巡察關內道多振冤滯

發粟賑貧

武帝時河內失火使黯往視之黯曰不足憂臣過河內  
河內貧人傷水旱萬餘家臣謹以便宜持節發河內倉  
粟以賑貧民請歸節伏矯制罪

持節承制

王莽遣使持節承制乘傳使者經歷郡國日且千輩

持節勞徠

唐貞元八年州縣大水權德輿建言宜選羣臣明識通  
方者持節勞徠

勞問循慰

貞元八年奚陟遷中書舍人江南淮西皆大水詔陟勞問循慰所至人人便安

振贍流民

孔光為博士數使錄冤獄行風俗振贍流民奉使稱旨由是知名

繩糾吏治

韋見素天寶五載為江西山南黔中嶺南黜陟使繩糾

吏治所至震畏

分道賑贍

劉思立在高宗時為名御史時河陽大旱詔遣御史中丞崔諲等分道賑贍思立言蠶務未畢而遣使撫巡所至不能無勞擾

巡邊請行

程昇同平章事明年西北軍政不治議置巡邊使憲宗問孰可者乃自請行

欽定四庫全書

古今事文類聚 古今事文類聚外集

持節行郡國

漢昭帝始元元年遣王平等五人持節行郡國舉賢良問民所疾苦冤失職者

持節詔郡國

宣帝始立遣使者持節詔郡國二千石謹牧養而風德化

陸贄陳五術

陸贄補渭南尉德宗立遣黜陟使十一人行天下贄說

使者請以五術察風俗聽謠須審其哀樂納市賈觀其  
好惡訊簿書考其爭訟覽車服等其儉奢省作業察其  
趣舍

子昂對三事

唐陳子昂對三事一言九道出大使巡按天下申黜陟  
求民瘼臣謂計有未盡也且陛下發使必欲使百姓知  
天子夙夜憂勤羣臣知考績而任之也奸暴不逞知將  
除之也則莫若擇仁可恤孤明可振滯剛不避強禦智

欽定四庫全書

古今事文類聚 一 古今事文類聚外集

足以照奸者為使故輜軒未動而天下翹待今使未出  
道路之人皆已指笑欲望進賢退不肖豈可得耶

古今文集

雜著

八使出巡賦

張友正

明明漢皇文物昭彰順帝以化俾人從康將欲敷聖政  
舉皇綱乃分國之八使而宣命於四方八使伊何朝中  
之善將假其權尤難其選稱直指而獨立歌皇華而分

遣繡衣既盛於新儀四牡載光於古典當官而行受命  
無忝善微毫而必舉惡纖芥而必貶舉善兮必尋其清  
流之源貶惡兮必去其阿諛之諂或負官闕之厚援不  
顧城社之微託無具薰燒不經繒繳肆豺狼之毒懷梟  
獍之惡徑持斧而前進歛下鞫而直搏誓將去大憝而  
拔盤根安問狐狸之與烏雀其有銳心公器勦力王室  
知賢才而能進察奸佞而能黜必將上聞於天子寧俟  
於終日道之不憊人亦焉廋操利劍而剗其固懸明鏡